

M. h. 1924

Pugnotien, Practica

PK

Cometen:


1576-88.

1) — 15)

Practica/auf das M.D.LVII.

Jar/sampt Anzeygung vnd erclerung/ Was die erscheinung/ vnd bewegung/ des vergangen vnd zuuor angezeygten Cometen Im sechs vnd funffzigsten Jar gewesen/ vnd bedeutet habe. Auß warem grundt der Astronomen von newem Practicirt vnd gestellet durch.

M. Joachim Heller verordenten Astronomum zu Nürnberg.
Regirende Planeten dises Jars.
Saturnus. Mohn. Sonne.



Dem Edlen vnd Wolgebornen Herren
Herrn Hans Georgen Grauen vnd Herren zu
Mansfeldt vnd Edlen Herren zu Woldringen etc.
Meinem Gnedigen Herren.

Ich Dier Wolgeborner Graff vnd Herz
E. G. sein mein willig vnterthenige dienste
alzeit zuuor/Gnediger Herz/Ich weis mich
wol zuerinnern das ich in meiner Jugent in
der schulen zu Eysleben gemainer wolthaten
der Herrschafft Mansfeldt/ in guter lehr vnd kunsten
genossen/vnd derhalben danckbar zu sein schuldig bin/
Dieweil mir dann auch der Aechtbar vnd Ehrnuheste
Herz Wilhelm Porst/E. G. gantz gnedigen willenn
gegen mir vermeldet/ Bin ich in trostliche zuvorsicht
kommen/Es wurden E. G. in keinen vngnaden erkenen
so ich dise meine arbeit/mit vieler nechtlicher vnruhe/
Oberseruation vnd nachrechnung endtlich zusammen ge
bracht/E. G. an stadt gebürlicher vntertheniger danck
sagung zuschriebe vnd dediciret/Welchs ich hiemit
thue/Mit vntertheniger bitt E. G. wölten dieses ge
ringes werck zu gnedigem gefallen annehmen/
Vnd mein Gnediger Herz sein vnd bleiben.
Solchs vmb E. G. in vnterthenigkeyt
zuuerdienen bin ich gantz willig. Da
tum aus Nüremberg Mittwoch
nach Matthei/im
1556 Jare.

E. G.

Vntertheniger

Joachim Deller

Das erst Capittel von dem gewitter der vler zeyten des 57 Jars.

Der winter welcher mit dem dreyzehenden Neuen Monatschein
des 56. Jars/ frue auff den andern tag des Christmons zuwo stunden
vnd ein funffteil einer stunden nach mitternacht eingehet/ darin Ju-
piter vnd Saturnus regiren/ wirdt von gemeltem anfang/ bis zu en-
de des Jenner im 57. Jar/ mit wind vnd temperirter kelte erschei-
nen/ Dieweil alsdan bede regenten in warmen zeychen/ als 4 im
schützen vnd 5 im wider, in igneo signorum trigono gefunden werden/
Aber folgendes im Hornung/ wann nach dem gegenschein Martis zu
5 auß einem lüfftigen zeychen/ auch der Jupiter/ in ein küel zeychen in
den steinbock mit sambt der Venere verrucket/ vnd Mercurius sambe
der Sonnen auch in ein lüfftiges zeychen den Wasserman/ vnd fol-
gends in ein feucht zeychen versetzt sindt/ sollen die winde vnd kelte
mit schne stercker vnd gemeret werden/ sonderlich weil auch die *apertio*
portarum Coeli pro nubibus, Martis super Venerem ex quadrangulo, mit einfelle.

Das gewitter des Gler. zen von anfang des Merzen bis zum ende
des Maien regiret der Jupiter vnd Mohn/ wirdt derhalben windig/
warm/ vnd feucht sein. Als nemlich im anfang des Merzens bis auff
den zehenden tag/ wann die gewaltige *apertio portarum Coeli pro Ventis,*
Louis super Mercurium, geschicht/ werden etlich rauhe winde gehen/ auch
mit kelt vnd schne zum teil vermischet/ Nachmals aber wan die Son-
ne Mercurius vnd Saturnus im wider im gegenschein Martis zu-
sammen kommen/ wird es etwas gelinder werden/ vnd mag sich als-
dan nach natürlicher vermütig etwan widerüb eine *Materia* eines
Cometen oder feurigen zeychens in lüfften samlen oder villsicht auch
entünden/ Der May aber wirdt küel/ windig/ trucken vnd temperirt
sein. Weil die ♄♂ , ♄♅ , $\Delta 47$, $\Delta 48$, $\Delta 44$, $\Delta \text{♁}$, $\Delta \text{♄}$. In
trucknen/ küelen/ vnd lüfftigen zeychen/ in demselben geschehen vnd
fürfallen.

Den Sommer von anfang des Brachmons bis zum ende des
Augustmons regiret Jupiter vnd Saturnus/ wirdt desselben gewit-
ter nach der regenten art windig/ temperirt/ vnd mehr trucken dann
feucht sein/ dan im anfang stehen die bede regenten in trucknen vnd
küelen zeychen mit einander in einem triangel/ vnd Mercurius vnd
die

die Sonne gehen in einer gewaltigen *apertione portarum Caeli pro Ventis* zum gegenschein *Iouis retrogradi*, darumb dieselbe zeit fast windig sein wirdt/ Darnach im Julio verruckt Jupiter durch seinen hindergang in ein warmes zeychen den schützen/ Darumb sich dieselbe zeit etwas truckner vnd mit warmen winden erzeugen wirdt bis vmb Margarete von dannen wirdt das ende Julij mit etlichen gewaltigen plazregen/ auch zum teil windig außgehen. Der Augustmon bis zum ende des Sommers wirdt widerumb fast warm/ trucken/ vnd windig/ sonderlich vmb den dritten/ vierdten vnd funfften tag Augusti/ da die Sonne/ Mohn vnd Venus/ auch Jupiter vnd Mercurius bede *retrogradi*, im hizigen triangel der himlischen zeychen gefunden werden/ desgleichen vmb den 13 vnd 14 Augusti/ da die bede *retrogradi*, in iren vorigen zeychen *directi* werden.

In summa der Augustmon wirdt fast durch auß zu trucknem vnd warmen wetter geneigt sein/ dieweil in demselben/ außgenommen den Martem/ vnd Mohn/ alle andere Planeten sambt der Sonnen fast durch auß in warmen vnd trucknen zeychen gefunden werden.

Es wirdt auch der nachfolgende Herbstmon/ da Venus vnd Mars regiren/ weil Mars mit dem Jupiter bis auff den Weinmon im schützen verharret/ zu warmen wetter vnd zu winden geneigt sein/ Weil auch Mercurius mit der Sonnen in jener beder *quadrangulo apertionem portarum Caeli pro Ventis* mit dem Jupiter macht/ vnd der and regent Venus bis fast gegen dem ende Septembris in einem lufftigen zeychen verharret/ vnd die Sonne mit dem Mercurio auch darein kompt. Es wirdt aber auch etliche nussliche regen geben *propter Sextilem Martis & Iouis ad Venerem*. Der Weinmon aber wirdt feucht vñ kuel sein /sonderlich im mittel wann die drey oberste Planeten Saturnus Jupiter vnd Mars in kuelen zeychen vnd die Sonne mit den vntersten Planeten zum teil in lufftigen vnd feuchten zeychen gefunden wirdt/ Der Wintermon wirdt im anfang mit zimlich küelen vnd feuchtem wetter sich erzeugen/ weil Venus mit Mercurio in cinem warmen zeychē stehet/ aber vom mittel bis zum ende mehr zu felle vñ schne geneigt sein/welches dann auch der folgende Christmon noch mehr thun wirdt.


Das ander Capittel von den Wachsenden fruchten.

Auß dem erzelten gewitter vnd desselben regenten/ ist nun lencklich abzunemen/ das dieses sibem vnd fünfzigste/ ein gut fruchtbar jar sein werde/ mit allen wachsenden fruchten/ wo nit dieselbe zum teil die rauhe lufft im eingang des Aprils an etlichen orten erfeltet vnd erschreckt/ propter Mercurium retrogradum & Saturnum, accedentes ad Solem in opposito Martis Retrogradi, & propter Iouem retrogradum in signo terrestri. Welche den Sommerfruchten durch fette schaden thun mügen. Desgleichen auch der Saturnus Retrogradus im Wemmon durch fette den Herbstfruchten schaden zufügen mag. Idoch wirdt gleichwol der erdtwachs volckömlich vnd gut sein/ besser vnd mehr dan die vndanckbare welt vmb Gott verdienen mag/ erspriessen/ wie wir dan sonderlich auch im Herbstmon ein zimlich gutt wetter zum wein haben werden. Desgleichen dan im 56 Jar/ von mir zuuor auß gleichen vrsachen auch angezeigt worden/ vnd eruolat ist/ Darumb wir billich Gott danken/ seine wolthaten mit lob vnd preis erkennen/ auch Christlich vnd wol gebrauchen solten/ auff das nicht vnser vndanck vñ vn-ersetziger geis vnd vberschwall/ vnsern Herren Gott zu grössern straffen verursachen.

FIGVRA REVOLVTIONIS SOLSTITII BRVMALIS.

DIGNITATE S Planetarum Essentiales in figura Reuolutionis.

Saturni sedecim
Lunæ sedecim
Veneris tredecim
Mercurij decem
Iouis decem
Martis septem



Von den

**Von den Regenten vnd andern zufel
ligen dingen in den vier Revolutionibus
vnd regirenden finsternissen dises Jars.**


Des winters regenten sindt Saturnus vnd Mohn/ vnd gehet
seine Revolution ein frue auff den 12 tag des Christmons ein dritteil
einer stunden vber ein vhr nach mitternacht/ Es stehet dazumal Sa-
turnus nahe bey dem nidergang im 20 grad des widders/ *directus*, vnd
Mars gegen ime vber den auffgang erhöht/welches dan ein sehr sorg-
liche Constitution ist wo mit Jupiter auß dem 19 grad des schützen sich
zwischen solchs vnglück in einem Triangel gütig einliesse/ so stehet
aber gleichwol die Sonn vnd Mars auch in einem vnglücklichen ge-
vierdten schein gegen einander das also der bösen zeugnuß mehr ist dā
der guten/ So ist Jupiter auch disē vnglück etwas zu schwach/ Dan
ob er wol in seinem eygnen hause stehet/ ist er doch der Sonnen/ auch
dem gradu darin die sehr grosse vnd schreckliche finsternis des Mohns
Im 55 Jar auff den 5 Junij im nidergang vnter des Saturni vñ
Mercurij herrschafft erschienen ist/ sehr nahe/ Weil dan eben zur zeyt
diser revolution dieselbe finsternis ire hefftigste wirkung vñnd mache
beweisen soll/ vnd Ihr ort zwischen der Sonnē *conjunction* vnd dem
aspect des regenten Saturni im dritten hause der revolution gefellet/
ist zubeforgen sie werde einem gewaltigen herren vnter dem schützen
gegen Occident sehr hart zusehen vnd villicht in seiner reise den gar auß
machen/ vnd sunst vnter dem schützen trefliche verenderung/ pestilenz
vnd vil böse krankheiten/ mit manigfeltigem schaden an leuten vñnd
grossen vihe erweckt/wie ich in voriger meiner Practica von derselben
finsternis wirkung/ die da dem dritten quadrangel/ sonderlich aber
den zwiling vnd schützen gilt/ auch angezeigt habe/ Was aber den
Orientischen Martem vnter der wage vnd den Saturnum im wider
gegen occident antrifft wird sich der Mars wol in vnwillen gegen dē
im gegenschein erheben/ weil aber diser alsdan des Martis dispositi-
on an sich zeucht vnd Mars in seinem eignen schaden oder detrimen-
to ligt/ wird in sein widersehen nicht vithelffen noch fürtragen/ son-
der wirdt seinen landen mehr zu schaden vnd verderben gereichen. Da-
rumb hüten sich die Lande vnter der wagen gegen auffgang gelegen.
Dan auch der ort Saturni denselben landen/ auch den gewaltigen
vnd

und grossen herren vnter der wag gegen auffgang vil beschwerungen/ betrübnis/ angst vnd not/ vnd von iren eignen vnterfassen gefahr vñ widerwertigkeit droet. Darzu dann der vergangene Comet vnd die zwen gegenschein Martis auß der wage im Jenner vnd Merzen zu Saturno im wider sehr geneigt sindt/ die dan dem hausz Osterreich vñ andern (wie zubeforgen) mit schaden vil vnruhe machen werden.

FIGVRA REVO-
LVTIONIS Æ-
QVINOCTII
VERNI.

DIGNITATES
Planetarum Essentiales
in figura Reuo-
lutionis.

- Solis dua & uiginti.
- Martis uiginti quinq;
- Saturni decem.
- Iouis sex.
- Veneris tres.
- Mercurij dua.



Die andere Reuolution des Frulings fehlet aben am eilfften tag Martij fast ein halb viertel nach der Sonnē auffgang alhie zu Nürnberg/ Ihr Regent ist die Sonno/ dieselb wendet sich vñ auffgang zum Jupiter der in ihrem geuerdten an dem mittel des himels im steinbock inn seinem decano/ sunst mit anderer herligkeit nit begabt/ gefunden wirdt/ Ist dises ein zimlich glückliche figur für die Solares vnd Edle Herren/ welchen sie freud auffnehmen vnd wolfart bedeutet/ Biewol aber auch Mars inn der figur/ vñnd in seinem nechtlichen hausz dem Scorpio vil herrligkeit hat/ Idoch weil er auß demselben durch seinen hindergang zu dem gegenschein Saturni (à Sextili Iouis in locum detrimen: i sui, cadens ab angulo, & ab omni affectu ascendentis & Solis remotus) auß seiner herrligkeit selbst abweichet/ wirdt er dardurch vonn seinem gewalt




gewalt entsetzet/ Vnd ob er sich gleich dagegen im scorpion giftig vñ
zornig genug ansehen lesset/ gewinde doch all sein anfang den Krebs=
gang. Aber die Orientische Sonne vnter dem widder wirdt gewaltig
in ihrem zeychen vber den auffgang erhöhet/ vnd mit glücklichem fore
gang gezieret vnd begabet/ Doch werden die Saturnische sich ihrer
heimlichē tück dawider beflüssigē/ Aber weil ihr Regent vnter der Erdē
in seinem vnfall bleibet/ werden sie damit nit fürkommen sondern selb
im vnglück bestecken/ Wirt derhalben der Solarische Herz vnd Adel
vnter dem widder/ gegen auffgang/ welchem auch Jupiter vnter dem
steinbock in seinem quadrangel zufellet/ Glück/ sieg/ vnd grosse herrlig
keit erlangen/ Vnd weil Jupiter bey der mittags linea fast im mittel
des himels erhöhet ist vnd die Sonne den Orientischen winckel innen
helt/ wirdt solches zu fride vnd wolffart der Regiment vnd nit zu sched
licher Tyranny gewendet/ Es werden auch sonst in gemain/ wie Bo
natus von der Sonnen im auffgang schreibt/ Die gewaltigen/ Edlen
vnd Reichen in wolffart/ freuden vnd auffnehmen schweben vnd alle
ding glücklich zunehmē. Weil auch Mercurius im auffgang 19 grad
nach der Sonnen in derselben erhöhung vnd in des Mohns triangel
stchet/ werden die geleerte/ kaufleut/ vnd andere künstler auch glückliche
zeyt haben. Saturnus aber vnter dem auffgang wirdt seinen vntertha
nen vnter dem widder gegen Orient vil beschwerunge/ franckheit vñ
schaden/ auch Pestilenz/ haubtwache/ vnd sterben zufuegen/ auch mit
Rauberey vnd vnicherheit der strassen auch den kaufleuten in dersel
ben landart beschwerlich vnd schedlich seyn.

Die Reuolution des Sommers gehet ein auff den 12 tag des
Brachmons des 57 Jars fast mit der Sonnen auffgang/ Alsdann
wirdt man zugleich die Son im auffgang vnd den Bolmon im Ni
dergang sehen mügenn/ Im gegenschein der Sonnen/ Nebenn dem
Mohn stchet Jupiter retrogradus/ neben der Sonnen Mercurius
Saturnus wirft zu beden zusammenfügung seinen glücklichen schein
zum Jupiter im Triangel/ vnd zu dem Mercurio sextilem. Venus ste
het im zwölfften haus/ im 19 grad der zwilling in einem vollkörnlichē
Triangel mit dem Marte/ der im fünfte hause im 19 grad d wage ste
het/ Saturnus vnd der Mohn regiren alsdan/ stehen bede inn guten
zeychen vnd in glücklicher reception vnter ihnen selb/ der Mohn nimpt
Saturnum auff in seiner erhöhung vnd Saturnus den Mohn inn
seinem

FIGVRA REVOLVTIONIS SOLSTITII ÆSTIUI.

DIGNITATES Planetarum Essentiales in figura Revolutionis.

- Saturni sedecim
- Lunæ septemdecim
- Iouis duodecim,
- Veneris undecim
- Martis decem.
- Mercurij duæ.



seinem haufe/ Darumb ob gleich Saturnus von vnglücklicher art
 gescheht ist/ kan er doch in disem fall do er glücklich gefunden wirdt/
 wie Bonatus sagt/ nichts böses bedeuten sonder mehr zu gutem rei-
 gunge geben. Bedeutet derhalben/ noch desselben meynung/ das ein
 gewaltiger herz dem Saturno vnd stier vnterworffen in dieser Reuo-
 lution einen grossen ruhm vnd namen erlangen soll/ Auch grossen
 gehorsam vnd demut bey seinen vnterthanen vberkommen/ vnd zu
 grosser hoheit vnd Herzigkeit erhaben werden/ Nachdem der/ wel-
 chem die grosse finsterniß gedroet hat/ gefallen vnd abgangen ist/ Zu
 solchem hilfft auch Jupiter/wiewol er auch schwach ist/nach seiner gü-
 tigen art vnd anschawung im Triangel/ desgleichen auch die Son-
 ne im auffgang die sampt dem Mercurio den Saturnum im gesech-
 sten glücklichen schein ansieht/ Werden derhalben disem Saturno
 beyfal geben alle stende Heistlich vnd Weltlich Fürsten vnd Herren/
 außgenommen die Martialische vnd Venerische/ welche ihr beson-
 ders haben/ aber mit geringem gewalt/ vnd mehr nach kurzweil/ dan
 nach Ehren streben werden/ Desgleichen wirdt auch eine gewaltige
 Königin gegen Occident dem Mohn vnd seinem zeychen vnterworf-
 fen

fen in glück vnd friden erhebt/ vnd dagegen die Orientische Sonne
welche der Mohn in seinem hauß auffnimpt vñ oberherschet/ wiewol
sie im gegenschein gegen einander stehen/ doch in vngütern nichts dar-
wider schaffen oder aufrichten/ dan sie durch obgemelte glückliche as-
pect zusammen vereinigt vnd verbunden werden. Es gehet auch an/
kurz vor dem anfang diser Revolution nach dem 9 tag des Mayen/
die wirkung d' finsterniß des Mone/ welcher im Wintermon des 56
Jars im 5 grad v' zwilling auf fünf puncta groß bedeckt gewesen ist.
Vber dieselbe herschen Mercurius vnd Jupiter bede im schützen zu-
samgefügt.

Die wirkung diser finsterniß wehret 66 tag nach dem 9 tag des
Mayens bis vber den 14 tag des Hermons/ vnd wirdt in den letzten
22 tagen Ihre krafft am gewaltigsten sein/ Ihre bedeutung ist glück-
lich der Königin gegen Occident vnter den zwillingen/ welche in Eh-
ren vnd freuden mit besserung ihres standes vnd grössern Reichthumb
vnd namen/ auch in glück vnd wolffart kommen/ vnd mit vilen schö-
nen gaben wirdt begabt vnd verehret werden/ die auch zu tugent vñ
weißheit/ vnd zu befürderung guter Künste vnd handel/ wirdt ge-
neigt sein. Es soll auch dise zeit den erdtfrüchten bequem vnd glück-
lich sein/ Wiewol sunst in gemein dise zeit mit one krankheiten ab-
gehen wirdt/ die auß erkeltung des Wagens entstehen/ dazu dann der
ungebürlich gebrauch der vnzeitigen früchte sehr wol dienen vnd helf-
fen wirdt.

Die Revolution des letzten teils in diesem Jare/ des Herbsts/ ge-
schicht am 13 tag des Herbstmohns zwischen zweien vnd dreien nach
mittag/ Darin regire abermals Saturnus im 10 grad des v' ganz
frembd/ einsam vnd retrogradus in ipsa fouea (ut uocant) Wirdt verhalb
seinen vnterhanen daselbst vil vnglück vnd betrübnis zufügen/ vil
schaden an ihren wohnungen/ Heusern/ Erbgütern vnd an grossen
ehieren thun/ vnd die Witternechtischen vnter dem stier vnd scorpio n
ganz vnrühig vnd widerwertig machen/ vnd dieselben nit allein durch
krieg vnd widerwertigkeit/ sondern auch mit sterben vnd theurungen
heimsuchen. Er bedeutet aber in sonderheit (wie Donatus schreibt)
auch schwere sorgen/ betrübnis vnd traurigkeit der gewaltigen vnd
Reichen vnter obgemeltem zeichen/ vnd im folgenden Winter schwe-
re vnd grosse kette. Also haben wir den fürnembssten Regenten dieses
Jars

FIGVRA REVO-
LVTIONIS Æ-
QVINOCTII AV-
TVMNALIS.

DIGNITATES
Planetarum Essentiales
in figura Reuo-
lutionis.

Saturni uiginti.
Veneris tredecim.
Martis decem.
Mercurij nouem.
Iouis octo
Lunæ quatuor.



Jars den Saturnum welcher fast in allen Reuolutionibus desselben regiret/ Aufgenommen den Glenzen/ in welchs figur/ wiewol die Sonne den fargang erlangt/ hat doch auch Saturnus die fürnembste Herligkeit/ in medio Coeli, vnnnd in dem ort des hocherhebtten Jupiters. Derhalb ich ihn durch auß für den fürnembsten Regenten dieses Jars halte vnd setze/ darauß in gemein eruolget/ das sich in disem jar vil alte scheben vnd gebrechen widerum ereugen vnd vil alte gross vnd neid wider auffbrechen werden/ vnd was mit hadder/ widerwillen vnd andern vnrathe vnter dem widder vnd stier/ darin Saturnus dis jar beharret/ angefangen/ wirdt fast beharlich vnd beschwerlich sein/ Souiel sey von den Reuolutionibus vnd ihren zufelligen bedeutunge gesagt/ Welchen aber solchs alles vermeint sey/ ist auß nachuolgend verzeichnis vnd Register der Stet vnd Lande bey jeden zeychen leichtlich zufinden/ bedarff mit weytleustiger erclerung.

Register der Stet vnd Lande wie die
vnter den Himlischen zeychen gelegen sein.
Der Erst Quadrangel.

W 2 Winter

Vnter dem Wider sind Deutchland Franckreich Engellandt Klein
Polen Hochburgund Schwaben Oberschlesien Bodensee Westerrich
Neapolis Florentz Ferrer Braunschweig Verich Lindaw Crackaw.

Vnter de Trebs die Künigreich Schotten Granaten Graffschafft
Burgundie Preussen Holland Seeland Vincenz Venedig Meyland Ge
nua Lübeck Trier Magdeburgk Görlitz Bern in Vchtland.

Vnter der Wag Osterreich Elsaß Ungern Lyflandt Sophoy Selo
phinat Straßburg Wien in Osterreich Franckfort am Mayn Speyr
Schwebisch Hall Heylbrun Wimpffen Landshut Freysing Mosbach

Vnter dem Steinbock Bossen Lytaw Sachsen Düringen Hessen
Steyrmarck die alt Marek Grenitz Brandenburger land Augspurg Cost
niz Göllich Clese Berge Gendt Mechel.

Der Ander Quadrangel.

Vnter dem Stier seind Türckey groß Polen Weyß Reussen Scham
penge drey Punter land das Rieß Schweitzer Francken Lottringen
Schweden Irland Bolonia Sene Mantua Zürich Lucern Wirtzburg
Metz Bosen Leyptzig Peruß ein theil inn Jderreich Gnißna Newgardt
Viansse vnd Burgis in Spanien.

Vnter dem Löwen Welschlandt Lombardey Emylia Sicilia Prag
Vlm Cobolentz Sabinia ein theil der Türckey Lintz Brems.

Vnter dem Scorpio Nordwegen Westschweden Catalonien Ober
beyern Alkeyer Padua Urbin Brixen München Eychstat Wien inn der
Prouinz Valentz in Spanien Santzfa/der grösser theil Lombardy.

Vnter dem Wasserman Moscobiter Dennemarcck Rote Reussen
Mittägisch Schweden Walachey Piemont Westfalen vnd das zwischē
der Naß vnd Musel liegt Trient Hamburgk Bremen Saltzburgk In
golstat sambt einem theil des Bayerlāds Montferiat nach etlicher meyn
nung Sachsen Behem.

Der Drit Quadrangel.

Vnter den Zwilling sindt Egipten Armenien nach etlicher meynuß
Engellandt Brabandt Wirtenberg Flandern ein theil Lombardj Wertz
Nürnberg Löwen Meintz Bamberg Bruck Villach Bitzingen Saßfurdt
Lunden vnd Corduben.

Vnter der Junckfrawen Babel Candia Crabatan Kernten Nider
schlesien Etschlandt Kincaw Rodis Corinthen Paney Nauceni Arctis
um Hierusalem Papia Breßla Rum Brundus Segnia Erfurdt Basel
Heydelberg Paris Leon Tolosen.

Vnter dem Schützen Hispanien Ungern Mehrern Wenden Volter
ra Mutina Meychssen Eöln am Keyn Stutgarten Rottenburgk an der
Tauber Zudenburgk Cascha Narbona Quinion Tolleten in Spanien.

Vnter den Vischen Portugal Normandia Calabrien Westreicher
die man Bartennier nent Regenspurg Wurms Sanct Jacob Compos
stella Hispalis Alexandria Parentz Roan Sibilia.


Von der Erscheinung des vergangenen Cometen

Das Vierdt Capittel.


Wiewol ich mir an dem benügen ließe das ich den erschienenen Cometen im Marsen vnd Aprill des 1556 iars/ im fordern iar vor seiner erscheinung zuuor angezeigt vnd verkündigt/ auch mit allen vmbstenden/ so clar beschriben hab/ als vil auch nach geschenehen Dingen/ noch in warem grundt nit darzethan/ weil ich aber von vilen guten leuten gemanet worden/ meine Observationes vnd meynung vber disen Cometen weiter an tag zugeben/ vnd etlicher vngeschicklichkeit vnd vnfließ mir auch fürkommen/ hab ich nicht vmbgehen können/denen/ so meine meinung hierin begeren zu wissen/ zu wilfaren/ Es sind mir aber gleichwol etliche $\nu\omega\phi\eta\tau\alpha$, oder nachrater/dē sonst jr propheteyen nit wol abgeet/ vber meine prognostication vō dē Cometē kumen/die haben durch verkherung meines fleisses/ vñ warer gründtlichen vrsachen ihnen villsicht ein mehres anschen machen wöllen/ Sagen man könne keines Cometen zeit/ erscheinung vnd stelle zuuor anzeigen/ dan es müssen sich solche grosse dempff etlich jar lang in lufften sammeln/ vnd darin aufdorren bis sie brinnend werden/ So sey aber dises Cometen samlung vñ ensündung vor der grossen coniunction geschehen/ Derhalben es ein vngereimpt ding sey das ichs auff dieselbe gezogen/ es müge erst etwan in einem andern jar ein Comet darauff eruolgen/ Disen wil ich kurzlich auf ihrē mißuerstand antworten vnd damit auch die vrsachen vnd meynung meiner prognostication clerer herfür bringen/ damit meine meister verstehen vnd sehen mügen/ das ich mit keinem vngrundt fürkommen bin. Erstlich aber bekent der eine Practicant selber/ nachdem er verneinet hat das Cometen können zuuor angezeigt werden/ das gleichwol Appianus im 27 iare einen künfftigen Cometen vermeldet hab/ auß des vorgehenden iars Eclipsi vnd der coniunction $\text{h } \text{♂}$ vnd ♀ in Tauro/ vnd setz weiter drauf mit disen Worten/ Wen man nun dergleichen Eclipses sihet/ darinnen etliche böse Planeten die oberhand

B 3 vnd

vnd das Regiment haben/ vnd darnach ein grosse coniunction erfol-
 get gibt die erfahrung das solcher materien viel/ darauf Cometen wer-
 den/ colligiert vnd versamlet wirdt/ Darumb haben auch etliche auff
 dises jar einen Cometen predicirt/ Wolan dise maus hat sich selb
 gefangen/ gibt vns iho rechte eben in dem das er zuuor widerspro chen
 hat/ Dan wen man nur zuruck sihet so findet sich clar das im 56 jar
 vber die grosse vnd schreckliche finsternis des Mohns/welche frue auff
 den funften Junij zu nechst vor dem eingang der Sonnen in Krebs
 vber 21 puncta gross erschienen ist/ Mercurius mit dem Marte/da
 sunst die andern drey Planeten alle schwach vnd frembde in locis caden-
 tibz gewesen/ die oberhand gehabt/ Da Mercurius ein viertel meer
 dan eine ganze stunde fur der Sonnen eben im auffgang war vnd
 Mars im funften ort auß der Jungfrauen des 7 hause vnd erhohung
 den ganz finstern Mohn vnd die Sonne bede in seinen Terminis
 durch einen starcken vnd vnglucklichen quadratū ansahe. Item da d
 eine regent Mercurius Jupiter vnd die Sonne in warmen vnd
 lufftigen/ der Mohn Saturnus vnd Venus in hitzigen vnd fewrigē/
 vnd Mars in einem truckenen zeychen gefunden ward/ Dises sind ie
 starcke anzeiguna zu solcher bedeutung/ Besihe die folgende Figur.




Darnach vor der Revolution des Winters/da ich vom anfang des 56 Jars prognosticieren solte/kame mir aber zuhanden ein grosses Eclipticum plenilunium darin der Mohn bis in die 20 puncta groß verfinstert wardt/ wiewol aber dasselb bey vnsern Gegenwohner vnter der erde geschahet/ Jedoch weil ich die verenderung des luffts/auch anderer ding so in lufften geschehen/ darauß nach warem Astrologischen gebrauch iudicirn musse/ name ich die figur desselben Plenilunij für mich vnd fand darin das der furnembst regent Saturnus in seinem hintergang im Wider ganz frembde vnd in seinem vnfall dem Mercurio welcher vber dē finstern Mon herschet/in seinem hause durch einē starcken geuerdten schein allen seinen gewalt ganz vbergab/ vnd das auch der ander Regent Jupiter im scorpion im hause seines Erbfeinds Martis/welcher in seiner erhöhung standt/durch einen geuirten Sextil ganz aller seiner herlichkeit beraubt wardt. Es stunden auch dazumal Saturnus Venus vnd die Sonne in feurigen/ Mars vnd Mercurius in trucknen vnd der Mohn in einem warmen lufftigen zeichen. Wie dan in volgender Figur clar erscheinet.



Also

Also hatte ich zwei gewaltige Finsternis die beide mit Ihren
 Regenten meinem prognostico zustimpten/ welche auch ungezweifelt
 beide in der luft vnd erden die zubereitung der generation solcher Co-
 meten dempff gewirckt haben. Darumb ward ich auß guten gründt-
 lichen naturlichen vrsachen/ gleich wie auch Appianus/ bewegt/ auff
 fünffzig folgende grosse Coniunction vnd schein aller Planeten im
 feurigen Triangel die samlung/ auffziehung vnd entzündung des Co-
 meten zuuermüthen/ Vnd es durffen meine mißgönnner nit gedencen
 das ich so freuel oder vermessen sey/ leichtlich vnd one gewissen güten
 grundt etwas anzuzeygen/ werden auch solches in meinen Practicken
 nit befinden. Das sie nun darüber mit einer falschen caullanz/ mir
 meine wort verkehrlich anzihen vnd sagen wollen/ Ich hab auß der
 coniunction/ ehe dan sie geschehen/ solche entzündung gesezt vnd an-
 zeigen wollen/möcht ich wol leyden das sie meine wort eigentlich/ wie
 sie stehn/ bedacht hetten/ dann ich hab von der ganzen coniunction vñ
 constellation außdrücklich gesagt/ vnd darzu den Hali angezogen das
 solchs geschehen werde wan Mars mit der Venere in seinem hause
 stehen werde.



Nun ist aber die Coniunction schon im Februario mit dem letzten Volmon desselben angangen/ da Mars mit der Venerre in sein haus den Wider darin to war/ schon eingetretten ist/ also auch die Sonne nimmer *ultra medietatem sui orbis*, von dem zeichen der coniunction war/ vnd es stunde dazumal Jupiter mit dem Drachenschwanz auch im fewrigen triangel vnd der Rohn in einem truckne zeichen/ Vnd wo ich meine meister dazumal in meiner reyse in den Bergstetten vnd im Voitlandt bey mir gehabt/ wolt ichs inen sein augenscheinlich bewisen haben/ als sonst der Himmel clar/ vnd die lufft warm/ vnd der schne allenthalben durch die newe angehende werme geschmelzet ward/ wie gewaltige reuch vnd dempff die berge vnd welde neben der clarheit des Himmels vnd werme der lufft ober sich gaben. Dann Ich hette alle tag vnd nacht fleissig auffsehen wie sich die Lufft zu meinem Prognosticiren begabe vnd schicket. Ja sagen sie/ es ist nicht müglich das sich ein so grosser zeher dampff/ der so lang brinne/ so eylents samlen vnd enzündten sol. Wie ist es aber müglich das sich in ganz schneller verenderung des gewitters inn einem tage ia auch wol in wenig stunden/ der zuuor ganz clare vnd helle Himmel mit schwarzen wolcken ganz vberzeucht vnd bedeckt/ die offt in wenig stunden mit schne/ regen/ hagel ic auffbrechen vnd resoluirt werden? Geschichte nun das in den groben kalten vnd feuchten Vaporibus/ wievil leichter mag sichs begeben/ in den fewrschlechtigen zehen vnd warmen dempffen/ die durch ihre inwendige werme getriben vn also leichter erhebt werden dan jene? Dan wie geschwindt vnd gewaltig ein hitziger vnd durrer dampff in lufften auch durch einen dicken kalten vnd feuchten wolcken durchbreche/ sihet man am Plis vnd donner. Man wolte dan dagegen beweisen das die lufft gegen einem dicken vnd fewrschlechtigen Cometen dampff/ der zu seinem auffsteigen durch Himlische krafft vnd seine eigne werme bewegt wirdt/ sey wie ein eichenes polwerck oder eysener berg/ dardurch des Cometen Vapor nit durchdringen müge. Dann ich sihe nit was sunst fürzuwenden were dieweil die wirkende Himlische krefft bedes zu seiner zeit vnd gelegenheyt auffziehen/ wie alle Sternkündige bekennen müssen.

So weys man auch wol auß der leer Ptolomei vnd aller verstandigen Astrologen/ das die wirkung der sternen in den lufften vnd
E allen

offen so in der höhe in lufften verendert wirdt/ nicht erst ober einß/
zwey oder mehr Jar nach den Himlischen bewegungen eruolgen/ son-
dern (wie auch Plinius dauon schreibt) in ipso affluxu aut defluxu iudicis
das ist im zugang oder im abgang des gestirns von dem würeklichen
schein der sterne. Das sie dan sagen dicker Vapor müsse ein Jar oder
zwey in lufften aushdoren biß er sich entzündet müge vnd sagen doch
es sey ein dichter feyter dampff gewesen/ Ist bey mir gleich souiel
geredt als wen man sagte/ Man müste schmalz in einem gliuenden
Backofen derren. Vnd möchte ich warlich auch gern das trühelem
sehen/ darein sie mir einen solchen durren/ warmen/ zehen/ feyer-
schlechtigen dampff/ der schon in seinen gang bewegt ist/ in lufften ein-
sperrt vnd ein Jar oder zwey einsamlet möchte/ da er nit außbreche
sonder wol außzederret würde. Ein solcher dampff wi dieses Cometē
schwefelicher vnd feyerschlechtiger dampff/ auß oberzelten vrsachen
gewesen ist/ darff nicht lang derrens/ sondern so bald er den vntern
kalten vnd mitlern temperirten luft durch dringet/ vnd den obern
feuerigen teil gegen des Mohns sphaera erreicht/ würde er vngezwei-
felt von der vbergewaltigen hitz vnd vngestümikeit desselben feyers
an dem ort da ers erlangt angezündet/ Aber ich versihe mich es sey
meiner Meister mißuerstand/ vnd dargegen der grundt meines Pro-
gnostici hie mit genugsam dargethan/ vnd beschliesse endlich also
das ichs nicht anders halte noch halten mag/ dan wie ich in meiner
Practica des 56 Jars dauon geschriben hab/ das diser Comet von
art Martis vnd Mercurij/ vnd ein feyerschlechtiger dicker schwefe-
licher dampff gewesen sey/ welcher zuuor durch die vorgehende finster-
nissen/ in welcher Mars vnd Mercurius regirt haben/ an vilen orten
generirt vnd gesamlet/ vnd durch die angehende grosse coniunction
erst auffgezogen vnd in der obern feuerigen luft erkundet ist wordē.
Wie dan kurz nach dem gemelten Bolmon im Februario geschē
ist/ den nachdem ich etlich abent der geschickligkeit der luft in meiner
reyse nachgesehen/ hab ich die ersten zwen tag vnd nacht nichts vnge-
wöhnlichs sonder alle clarheit am Himmel gemerckt/ aber auff den drit-
ten abent hernach/ welcher nach dem Donnerstag nach Matthe vol-
gete als ich nach 6 vhren zum Gefrey durchgerittent/ mich hinter
Berneck neben dem Fichtelberg zu nachts auff dem gebirge versyete-
tet/ sahe ich erslich den Mohn vngesehrlich vber ein drittel vnd zwo
stund en

Stunden nach der Sonnen vntergang auffgehen/ vnd die Spicam
Virginis ober zwey funffteil einer Stunden/ vnd neben ihr/ doch fast
ober drey grad weiter gegen Mittag vnter der Spica gegen dem Ra
benschwanz ein sehr feurigen grossen vngewöhnlichen stern de Wron
im auffgang nachuolgen/ da ich doch keinen solchen stern an dem ort
zuuor nie gesehen/vnd wol wuste das alle andere Planeten im Nidder
gang neben der Sonnen/ vnd Jupiter ganz tieff vnter der erde war.
Es macht mich aber herwiderum zweyfelhafftig/ das ich dazumal in
seiner ersten entzündung/ keinen schwanz daran sehen kundte. Als ich
nun in demselben zweyfel fort reiset vnd gegen Nürnberg kommen
war/ Erfur ich nach dem dritten tag Martij wie man auff die ander
vnd dritte nacht des Merzens ein Cometen mit einem kleinē schwanz
gesehen hett/wurd mir auch von namhafften vnd glaubwürdigen per
sonen alhie angezeygt/ wie sie den vngewöhnlichen stern auff obge
melten Donnerstag nach Matthe neben etlichen andern alhie glet
cher gestalt erstlich gesehen hetten. Darum ist es bey mir nit zweyfel
hafftig/ an welchem orte sich der Comet entzündet hab. Als nemlich
eben bey der art sternem wie ichs zuuor prognosticirt habe. Als nun
die vierdt vnd funffte nacht tuncfel waren schicket ich mich mit mei
nem Instrument zu der Obseruation vnd fand ihn auff nachuolgen
de nacht welche folget nach dem sechsten Martij bald vmb zwey stun
den nach der Sonnen vntergang etlich grad ober den Horizont er
höhet/ Er strecket aber seinen schwanz zwischen Niddergang vñ Mit
tag vnd war forne sein Haupt oder anfang noch Roth/der schwanz
aber auß bleicher vnd blober farb vermischet/ wie die schwefel flam
men pflegen zu sein/ welches dan auch zeugniss gibe das sein dampff
mit dickē schwefel dünstem vermischet vñ von art Martis vnd Mercu
rij sey/ vnd ist also ein trauriges vnd dunkel liecht gewesen/ wie die
farben Martis vnd Mercurij vermischet geben mügen/ daher etliche
auß der farbe weil sie bleich gewesen/ geschlossen/ er were von art Sa
turni/ welche doch vil bequemer vnd der warheit mehr gemess iudicire
haben/ weil sie den angehenden Cometen in der erhöhung Saturni
gefunden/ dann die jenigen welche wider alle vernünfftige vrsachen/
diesen dampff für zweyen jaren vñ Jupiter generirt/ gesamlet/ in luffte
aufgederret vñ erst durch desselben krafft entzündet/fürgeben dürf
fen/ aber das vil andere wirkende sternem/den Cometen dampff gene
C 2 rirt

virt vnd auffgezogen haben/ ist mit gutem grundt oben außgeföhret/
So hett auch der glantz des Cometen vil herrlicher/ clarer/ vnd lieb-
licher sein müssen/ wan er irem fürgeben nach/ derselben art gewesen
were/wie dan Jupiter die aller schönsten/ herrlichsten lieblichsten glantz
vnd farben gibt/ nach der Sonnen/ So ist auch meine meinung mit
der geleerten Regeln vnd lehr gegründet vnd einig/ Den dieselbe sagen
einheitlich/ das wo in gewaltigen finsternissen der Sonnē oder Moyns
in feurigen zeychen/ Mars vnd Mercurius oder Saturnus neben
andern hitzigen oder vnglücklichen sternenn regiren/ oder die Coniun-
ction vnd finsternis mit vnglücklichem schein ansehen/ wie in folgen-
der angehender grossen coniunction im feurigen zeychen Martis ge-
schehen/dassich alsdan gewöhnlich solche feuer zusammen ziehen/ erhe-
ben vnd enkünden/Auff dise meinung schreibt der hochberühmte Pto-
lomeus im letzten seiner hundert spruch/ das kein ander vrsach sey der
Cometen/ dann die hitzige vnd tructne gestirn/welche durch ihrem
glantz vnd strimen die feuchtigkeit der erden erwärmen/ vnd dan die
dürre hitzige vnd zehe räuche oder dünste auß derselben auffziehen vñ
zusammen treiben vnd in dem obern teyl des luffts/(welcher ist dz Ele-
mentisch feuer von dem aller geschwindesten vñ stetten lauff des Hi-
mels erhizet) endtlich enkünden. Vnd Albunasar im achten von
den Coniunctionibus in dem ersten vnderschied sagt/ das die zukunfft der
feurigen vnd bleichen sternenn/ welche har oder schwantz haben/ nicht
künne gewis angezeygt werden/ dann auß der bedeutung vnd Herr-
schafft Martis in den jaren/ darin grosse versamlung der Planeten
geschehen vnd fürfallen. Auff solchen grundt ist meine Prophecey vñ
Cometen gestellet/ vnd wil mich lieber mit solchen hocheffaren vñ
geleerten Meistern straffen/ dan mit vnerfahren hochtragenden loben
vnd rhümen lassen. So hat auch neben dem glantz die verwendung
des schwanzes dieses Cometen meiner meinung sonderlich zeugniss
geben/ Dann da sonst die gemeine opiniō Appiani vnd anderer Prac-
ticanten ist/ das der Comet den Schwantz alweg von der Sonnen
hinweg auff den gegenteyl des Himmels wenden soll/ hat man da auß-
genscheinlich gesehen das er seinen schwantz zu der Sonnen geföhret
hat/ welches d'algemeinē vermeinten Regel d' andern Practicanten ent-
gegen ist/ Solchs aber ist allein geschehen der vrsach halben/ das er
seinen schwantz nach dem Marte gerichtet hatt/ wie man dan clar in
desselben

desselben verkherung hat mercken können. Dan weil der Mars alweg
 in des Cometen erscheinung *Occidentalis*, & *in latitudine Meridionali* gewe
 sen ist/ hat er sein Schwanz auch gegenn dem Niddergang vnnnd
 Mittag gerichtet/ vnd do er *Septentrionalis* worden/ hat sich der
 Schwanz etwas höher gegen Mitternacht erhaben/ vnnnd gleichwol
 mit auff den Niddergang gedeutet nach seiner Regenten lauffs veren
 derung/ Wie dan solches die Regel, *In summa Anglicana. Tractatu primo,*
distinctione Vndecima clar vermag mit disen Worten. *Cauda uero se uertit si*
cut modo Mars in Circulo suo paruo. Nam si Mars moueatur uersus Orientem,
Cauda quoq; Cometæ uersus eandem Mundi partem conuertetur. Similiter facit et
uersus occidentem & ad latera, Vnde Cauda quandoq; uertit se ab una parte plagæ
uersus alteram. Das ist auff deutsch der schwanz des Cometen verwen
 det sich alsdan gleicher weis wie Mars in seinem kleinen circel/ dan
 wo sich alsdann Mars bewegt vnnnd erheht gegenn dem Auffgang/
 wirdt sich auch der Cometen schwanz gegen demselben ort der welt
 verwenden/ Desglichen thut ers auch gegen Decident vnd auff bey
 de seiten gegen Mittag vnd Mitternacht/ daher es auch geschicht vñ
 volgt das zuweilen der Cometen schwanz sich von einem ort der welt
 gegen dem andern verkheret/ Dise Regel vnd neben derselben die er
 scheinung des jetzigen vnd anderer Cometen zu zeyten des Pontani
 vnd Aristotelis oberweisen clar den irthum derer/ so vor dieser zeyt
 von der Obseruation vnd erscheinung der Cometen nach ihrem eng
 nen qud unck/ doch one grundt/ geschriben vnd vermeint haben/ Es
 müsse sich alzeit der Cometen schwanz nach der Sonnen lauff vnnnd
 von derselben glantz zum gegenschein wenden *in Contrariam seu opposi*
tam mundi partem welchs nit allein mit diesem Cometen/ sondern auch
 vilen andern/ als irrig/ zu oberweyssen ist. Es hat aber denselben allein
 daran gefehlet das sie den rechten griff nit gewis vnnnd also auff den
 Martem als den fürnembsten Regenten der Cometen/ der zu solcher
 zeit von der Coniunction der Sonnen sich auffwärts abwendte nit ach
 tung gehabt/ Darumb sich auch der schwanz desselben Cometen/ darü
 ber Petrus Appianus geschriben/ als dan gleicher gestalt auch von
 der Sonnen hinweg auffß gegenteil verwendet hat/ Alhie aber bey di
 sem vnserm Cometen/ weil Mars noch *Occidentalis* sich zu der Sö
 nen Coniunctionwendet/ hat sich auch des Cometē schwanz natürlich
 zu der Sonnen gegen Decident vnd Mittag/ nach der gelegenheit

seiner Regenten Martis vnd Mercurij inn seiner erkündung gezogen. Da wie es in gemein war ist das die Sonne die dünste auffweicht/ so begibt sich doch immer einer anders gegen der Sonnen den der ander/ wie auch in sonderheit an vilen Cometen die manigfaltig vnd verenderlich sich gegen der Sonnen gewendet haben zusehen vnd zu beweisen ist/ dieselb sonderliche verenderung begibt sich in sonderheit nach der art vnd gelegenheit ihrer Regenten/ fürnehmlich aber/ wie gesagt ist/ nach der art Martis/ Darumb sich der ganze lauff des izigen Cometen nach seiner Regenten Martis vnd Mercurij gang gerichtet hat/ Dan gleich wie Mercurius vnd Mars beide in irer Coniunction sich von Mittag auffwärts bewegte also hat sich auch dz ganze corpus des Cometen von Mittag auffwärts mit ganz geschwindem lauff gegen Mitternacht erhoben vnd ist vber die Witternechtische gestirn hinüber gegen der vilgemelten iregirenden Coniunction mit großem gewalt vnd vnmesziger geschwindigkeit gezogen worden. Diweil er auch sonderlich in solcher gestalt eines spizigen schwerts mit geringem vnd dünnen schwanz vnd glanz erschinen/ ist ein clar zeichen das dieser Xiphias gewislich nach meiner Prophecey von art Martis vnd Mercurij gewesen vnd vil von schwefelichem dampff gehabt/ wie dann solchs an seinem bleichen blauen vnd tunceln liecht zusehen gewest/ Vnd das derhalb sich auch seine wirkung nach solchen artt erzeugen werden. Es bekräftigt auch solchs seyn des Cometen sonderlicher lauff/ der sich insonderheit in seine ganzen umschweif zu den Martialischen vnd Mercurialischen sternnen geneiget hat/ vnd weil er ist im gegenschein der Sonnen erkündet worden/ hat er sich auch nach dem gebrauch seines Regenten in hinteruechtlichen gang begeben/ Ist auch mit grosser macht vnd geschwindigkeit zu ihrer versammlung gezogen worden/ do ihn sunst/ wo er dem Jupiter zugehörig gewesen/ derselb hett zu sich ziehen sollen. Wie dan die Cometen alwegen von ihren Regirenden Planeten gezogen werden. Also sihet man in allen disen anzeigungen vnd vrsachen/ mit was vngrundt die andern wider mein wares vnd wolgegründtes Prognosticon fürkommen sindt/ vnd dagegen meine Prophecey von dem fünfftigen Cometen/ darin ich gesaat das er von art Martis vnd Mercurij sey/ sich nach derselben art vnd lauff richten/ auch sich bey ihrer art sternnen vnd beychen erkünden werde/ Warhaftig vnd wolgegründt bleybe
vnd

und bestehet. Habs auch datum desto gründlicher ausführen wöllen/
nit das mich so fast anfechte was andere dawider ungeschickter und
Zerriger weyse fürgeben/ sonder das der ware grundt dieses gansen
Prognostici darauff ruhet und bestehet. Dann weil die obern liechter
fürnehmlich frefftig sindt durch ihr liecht und schein/durch ihren lauff
und bewegung und leslich auch durch ihre einflüß/ kan man ohne er-
kenntnis derselben nichts gründlichs dauon prognosticiren noch anzei-
gen. Hab derwegen erslich diese gründliche außführung und ercle-
rung was die Natur des Cometen Influentz und liechtes/ von seyner
Regenten art her ursprünglich sey/müssen fürgehen lassen/wil nun im
folgenden Capittel wie und was sein lauff gewesen/ souil ich den ver-
merckē/auch anheugen. Und darnach drauff beschliessen was auch
seine bedeutung sein werde.

Das fünfft Capittel von des Cometen lauff.

Was aber den lauff dieses Cometen belangt/hab ich mich beflisset
das ich ihn entweder im aufgang oder bey der mittags linea oder aber
bey bekanten sternē/ als bey gewissen sichtigen puncten des himels
vermercket. Und in erster seyner erscheinung zu nachts nach dem
27 des Hornungs/wie oben gesagt/gienge er gerad auff mit der Spica
virginis/doch ist er meins erachtens ober zwey fünfteil und drey grad
weyter gegen mittag von der Spica inn der breytte gestanden. Dann
wie der Comet im auffgang inn die breytten mit der Spica in einer
geraden linea war/also sahe ich auch ober dem Cometen den kleinen
stern/welcher der letzte ist vnter den dreyen die vnter dem linken Elbo-
gen der Junckfrawen stehen/und hielt der Comet fast das mittel inne
zwischen demselbē stern/vn̄ dē erste d̄ drei kleine sternē/die abwärts vnter
der Spica hinterdē Rabeschwanz stehn/Daraus ist zuschliesse/das der
Comet erslich erschinē ist nach d̄ lēnge fast ein sechsteyl eins grads vō
dem ende des 16 grads der wage/ in der breyten gegē mittag abwärts
ober 5 grad und zwey fünfteyl/ist auffgangen mit 206 gradibus we-
niger ein zehenden teyl eins grads/ vō dem ende des 19 grads der wag
fast ein dritteyl eins grads/die kleine sternē zwischen den er wart en-
zündet sind von art Mercurij und Martis. Und ist also die warheit
meines Prognostici mit clarer erscheinung bestetigt und erfüllet wor-
den

den/ Darum sich die ienigen so da schreiben/ man wisse nit ob er im
Löwen oder aber in einem andern zeychen entzündet sey/ billich irer
vnwissenheit scheinem solten/ Dan weyl dieses Cometen besonderer
gang mehr in die höhe gegen mitternacht/ dann inn die leng gegen
nidergang oder auffgang gerichtet gewesen/ het er seer lang am Hi-
mel stehen müssen ehe er souil gradus in die leng durchging/ so fast
man dieselben auch mehr dan mit einem zeugen vberweisen das er
auff isgemelte nacht erstlich ohne schwantz/ vnd den andern vnd dritten
Martij mit einem kleinen schwantz erschienen ist/ welchs dan desselben
Practicanten vngründlich furgeben clar widerlegt. Darnach auff
dem 6 Martij zu nachts da er nun mit seinem schwantze wie obenn
gesagt erschine/ fand ich ihn fast in die 15 grad höher in die breytenn/
vnd in die leng vber die 9 grad verrucket/ Dann als ich ihn vmb ein
vhr weniger ein halb vierteyl nach miternacht/ inn der Observation
fand/ sahe ich ihn daselbst stehen mit dem achten stern der Junckfrawē
welcher bey dreyen minuten einer stunden ime vorging/ vnd mit dem
neundten stern der Junckfrawen/ welcher etwan vber ein sechsten teil
einer stunden ime nachfolget vnd strecket den schwantz abwartz/ neben
dem zehenden stern in der Junckfrawen/ welcher fast bey einem zwelf-
ten teyl einer stunden vor dem Cometen vnter die mittags linea kom-
men war/ Es stellet sich aber dasumal der Comet fast bey 6 grad
weniger ein achtenteyl eins grads vber den Vindemiatozem/ welchs
ist der dreyzehend stern der Junckfrawen/ der dasumal dem Come-
ten fast vmb ein drittenil eins grads vnter die mittags linea furging/
vber die Spicam aber/ welchs ist der 14 stern in der Junckfrawen/
war er erhohet in der mittags linea vber sechzenthalfen grad vnd ein
zehendteyl eins grads vnd folgte ihme diser stern vnter die mittags li-
nea vber sechs grad vnd zwey fünffteyl eins gradus mit 196 gradibus
weniger ein viertel/ weil dan diser stern 8 grad vn̄ ein fünfteyl eins gra-
dus gegen dem mittag vnter dem *equinoctial*/ vnd im *zodiaco* am End
des 18 grads der wage zwen grad gegen mittag vnter demselben ge-
funden wardt/ beschloß ich darauff das der Comet vber sechs grad vnd
vier fünffteyl eins gradus vber den *Equinoctial* gegen dem mitternech-
tischen Polo erhohet were vnd mit 189 grad vnd zwey fünffteyl eins
grads die mittags linea erreicht hette/ Daraus fand ich aus waren
Astronomischen Rechnung *per doctrinam triangulorum Sphæricorum siue*
sinuum

sinuū das der Ort des Cometē in circulo longitudinis in Zodiaco dazumal
erreichte das ende des sechsten grads d' wage vnd das er in die breite
bey 10 grad gegen septentrion erhöhet were. Nechstuolgende nacht
auff den Sambstag den 7 Martij Obseruirt ich den Cometen mit
sonderm fleiß vnd fand in ein wenig ober den Bindemiatorem erhö
het vnd schoß den schwanz vnterwärts gegen dem nechste stern vnter
denselben am flügel der Junckfrawen vnd war d' vnterscheid zwischē
im vnd dem Bindemiator fast bey 3 gradibus bey 2 stunden vor mit
ternacht/wartet ihm also weyter nach bisz ober mitternacht/Sahe da
erstlich den Bindemiatore welcher nu mehr nur ober zwen grad vñ
fast ein viertheil eins grads in die leng vom Cometen stundt vñ etwan
ein dritteil eins grads vnter ihm/ 3 viertel einer stundennach mitter
nacht vnter die mittags lineē tretten mit 189 gradibus des *Aequatoris*
vnd fast ober ein sechst teyl einer stunden darnach den Cometen mit
191 gradibus 15 minuten des *Aequatoris* ein dritteil eins gradus ho
her/folgende fand ich auch Spicam Virginis ein stund vnd ein
fünffteyl einer stunden nach mitternacht gleich in der gemelten mit
tags linea mit 195 gradibus vnd 5 zwelfsteiln eins gradus/ Vnd
den Cometen ober disen stern gegen mitternacht in der Mittaglinien
erhöhet 22. grad. weniger 1. vntel eins gradus vnd es war dazumal
inn mitternacht der Sonnen lauff in 27 gradibus der fisch vnd ihre
Ascensio recta 357 grad vnd ein vntel eins gradus/ Aus diser Obser
uation fand ich den ort des Cometen im Zodiaco 5 grad von dem an
fäg der wage/gegen mitternacht von demselben ober 16 grad vnd ein
drittel eins gradus/ Darnach die folgende nacht nach dem achten
Martij nach drey minuten ober ein vhr nach mitternacht Obseruirt
ich den Cometen abermals bey der mittags linea sampt dem claren
stern Spica Virginis/ober welchen er fast dreissig grad weniger ein
zehndteyl eins grads in der mittags linea erhöhet ware/ vnd folget
ihme die Spica ober ein zehend teyl einer stunden vnter disselben linea/
Dann es erschienn auch der Comet dazumal acht grad vnd ein ach
teyl eins grads höher in der mittags linea/als in der vorigen nacht mit
194 gradibus *aequatoris* vnd ein vntel eins grads höher dan der stern auß
der linken waden Bootis/ welcher ober zwey dritteil einer stunden
ober ein vhr das ist drey fünfteil einer stunden nach dem Cometen vn
ter die mittags linea kam/ Demselben stern folget dan ober 5 zwölff
teyl

teil einer stunden auch der schöne herrliche stern Arcturus Bootis/ der
 war in der höhe in der Mittags linea ein grad hoher dann der vorige
 vnd drey viertel eins gradus vber den Cometen in der selben erhöhet/
 Nach der leng des *aquatoris* stundt Arcturus fast bey 15 grad nach
 dem Cometen der ander stern/ aber fast bey 8 grad vnd zwei dritteil
 eins gradus vnd war dasumal *ascensio recta solis* 358 grad vnd ein sechst
 teyl eins gradus/ funden sich diser stern in were orter im Zodiaco/ der
 Sonnenn 28 grad κ / des Cometen 4 gradus \equiv / vber demselben
 gegen mitternacht 24 grad vnd 5 achtteyl eins gradus/ Des sterns an
 der lincken waden Bootis/ \equiv 12 grad 18 minut/ gegen mitternacht
 vber 28 grad/ vñ der Arcturus war am end des 18 gradus \equiv / 31 grad
 vnd ein dritteyl gegen mitternacht vber den punct erhöhet/ Dieses ist
 die dritte Observation dises Cometens/ welche ein yeder erfarnet der
 Astronomie vnd Geometria also im grund (meins versehens) der
 warheit gemetz finden wirdt.

Nach dem neunnden Martij zu nachts kam der Comet wider vn-
 ter die mittags linea ein stund vnd 1 viertel einer stund nach mitter-
 nacht/ Spica Virginis trat vnter die mittags linea mit 198 gradibus
 vnd einem viertel eins gradus/ für ihme fast für einem sechsteyl einer
 stunden vñnd war 39 grad/ vñnd ein dritteyl eins gradus tieffer gegen
 mittag hinab vnter dem Cometen welcher vber 30 vnd einen halben
 grad vber den *aquatorem* gegen mitternacht erhöhet war/ der clare stern
 ann der mitternechtischen fronte folget dem Cometen vber zwei stun-
 den/ War aber inn der mittags linea vber 2 grad nidriger dan der Co-
 met. Arcturus folget dem Cometen dahin vber drey viertel einer stun-
 den gerad vmb zwey vhr nach mitternacht/ Stundt 9 grad weniger
 ein viertel eins gradus nidriger dan der Comet. Wer nun die Astrono-
 miam Copernici vnd Geometriam verstehet der kan darauß *Verum*
locum Cometae finden. Ist langweilig vñnd weitleufftig so wir alle
 Observationes ganz gründtlich ausfüren soltten. Nach dem
 10 Martij trat er vnter die mittags linea zwischen 1 vñ 2 vhr nach
 mitternacht gerade 38 grad hoch gegen mitternacht vber den Equa-
 torem 16 grad vñnd ein sechsteyl eins gradus höher dan d' Arcturus
 welcher ime ein wenig fürker dan ein halbe stude vnter die mittags li-
 nea folgete/ bey 4 minuten vor zweien vhren nach mitternacht.

Nach dem eylfften Martij sahe ich den Cometen zu nacht 3 Mi-
 nut für

nüt für zwey vñrenn nach mitternacht vnter der mittags linea/ war
der stern am lincken elbogen Bootis etwan bey 4 minuten eins grads
vber ihm vnd einen drittel eyns grads hinter ihme/der vörderste stern
an der deichsel des grossen Wagens/ war für ihm vber die Mittags
linea gegen nidergang vber sieben grad vnd 1 vrtel eins grads/ vnd
in der mittags linea vierdthalben grad höher. Hatte sich also in eine
ordnung gestellt mit den fördern sternern des wagens als wolte er denn
wagen regieren vnd gieng einen grad vnd ein fünfteil eins grads vn-
ter vnserm hauptpunct oder Zenith hin/ vnd was nuhn schon in das
end der Junckfrawen eingangen. Auff die nacht nach dem 12 des
Merckens war er fast bey zehendthalben grad vber vnsern hauptpuct in
Meridiano gestigen vnd stundt nahendt bey dem letzten der drey stern
am drachenschwanz vñ welchen sich die krümme desselben gegen Ni-
dergang lencket/ Derselb stern war bey einem halben grad höher dan
der Comet folget ihme vber drey grad vnd ein sechsteyl eines grads
in der Mittags linea.

In der nacht aber die da folgete nach dem dreyzehenden Martij
het er die teyl der Junckfrawen vnd die grenze des mitternechtischen
circfels vberschritten vnd stund vmb vier vhr nach mitternacht in ei-
nem gleichlangen Triangel zu beyden seytten mit des kleinen wagens
vnterm hinter Rade vnd desselben vnterm fördern Rade von beyden
gegen dem Polo Zodiaci 6 gradus weyt/ hat darnach dē folgenden 14
tag des Merckens mit ganz geschwindem lauff sich vollends hinüber
durch das dicke gewirre des drachengestirns auß dem Löwen bis inn
den stier gestürzet. Den 16 Martij erreichte er das ende des widders
bey dem stern vber dem Geseß Cephei welchen er gar bedeckett.

Am sibenzehenden tag Martij fand ich ihn neben der lincken schul-
tern des Cephei/ Am 18 war trüb wetter/ Am 19 fand ich ihn bey dem
eussersten stern an der Cassiopee lincken handt/ Am 20 bedecket er den
stern an dem haupt/ darnach wurden meine Obseruationes durch trü-
be nacht verhindert/ in des kam auch der Mohnschein zu abents so
starck herfür/ das ich auch nach dem es clar worden war/ erslich am
21 Martij nur ein geringen vngewissen glantz vonn dem Cometenn
ganz schwerlich erkennen kundt vnd folgens die nacht des zwey vnd
zwanzigsten/ wiewol der Himmel clar war/ ganz nichts mehr erkennen
kunte vnd weil der glantz gering des fordern tags gewesen war/ gedech

te ich er were gar verloschen/ doch ging ich inne alle nacht nach/ vnd wartet ob er wider herfür keme/ vnd als ich ihn frue auff den letzten Martij vber der handt der Andromede fand vnd auff den abent nit sehen kunte/ schicket ich mich mit fleys den Cometen auff den morgen in acht zuhaben/ Befand augenscheinlich nachdem er sein gebürlich Beychen/ dahin ihn seine Regenten in der grossen versammlung der Planeten mit grosser krafft vñ gewalt zogē/ erreicht hatte/ das er alsdā ganz gemachsam fortgeruckt war/ dan er nun in zehen tagen nicht vil weiter von der Cassiopeia zu der Andromeda gangen war/ dan er vber in einer nacht pflegte zu lauffen. Fand ihn am ersten Aprilis vnter der rechten handt Andromede/ Auff den andern gieng er auff 6 stunden vnd ein viertel nach der sonnen vntergang/ das ist ein zwelfsteil einer stunden für einer vhr nach mitternacht zwischen dem 4 vnd 6 stern Andromede mit 303 gradibus 2 minuten vnd dem dritten grad des steinpoels kurz nach einer vhr vber mitternacht/ anderthalb viertel vber sechs stunden nach der Sonnen vntergang/ Auff den 4 gieng er auff vber sibendhalb stund nach der Sonnen vntergang mit 310 gradibus zwey drittel einer stunden vor dem Umbilico Pegasi/ welche vber oben das haupt Andromede berüret/ in der Breitten vber denselben vber drey grad gegen mitternacht erhöhet/ vnd hat sich in der breitten nicht vber 3 grad von anfang des Aprils bis hiher verēbert sonder ist mehr in die lenge verruckt worden. Am fünfften auf den Heyligen Ostertag gieng er auf anderhalb viertel für sieben vhr nach der Sonnen vntergang/ ein viertel stund ehe dan der Umbilicus Pegasi/ war vber demselben vber siben grad/ stundt ganz schnur eben fünf grad vber dem stern/ In Scapulis Andromeda. Am sechsten gieng der Comet auf ein viertel für der sibenden stunden nach dem vntergang der Sonnen sechsthalfen grad vor dem Umbilico Pegasi vnd war von dem stern vnter ihm in die lenge anderhalben vnd in die höhe zwen grad. Am sibenden wardt er erhebt vber den Horizont zehen Minuten für sibnen vnd duncket mich als wer er dazumal gleich als in seinem fulstandt/ dan in die breiten hatte er sich nichts verruckt/ sonder war nur bey ein halben grad weiter von dem stern vnter ihm fortgangen/ das er also in gleicher breite vnd leng auf beide seiten vber zwen grad von demselben stern stundt. Am achten tag gieng er auf fast ein zwölftteil einer stunden für sibnen vhr nach der Sonnen vntergang/ war damals ein

achteig

achtteil vnd drey viertel eins grads von dem obern stern an der schul-
tern Andromede, vnd von dem folgenden Stern vber zwen grad/
Folgens auff den neundten gieng er gerad auff vmb 7 vhr nach der
Sonnen vntergang/war fünf grad von dem Umbilico Pegasi nach
der leng ein halben grad nider/stund noch eins grads hoch vber dem
mitlern stern zwischen den schultern Andromede vnd neigt sich in der
breitten einen halben grad neher gegen dem Umbilico Pegasi/ Auff
den 10 ein zwelfteil einer stund nach 7 vhr war er im aufgang fast eine
fünftteil eins grads von dem mitlern stern zwischen den schultern An-
dromede abwärts/vnd ein viertel eins grads auff die seitten gegen dem
Umbilico Pegasi. Am eilfften fundt ich ihn vor den wolcken mit sehe
Am zwelften fand ich in in einem gleichhohen triangel mit dem mit-
lern vnd vntern stern an den schultern Andromede/stundt von dem
gegen dem Umbilico Pegasi auff zwei drittel eines grads/Am drey-
zehenden Aprilis war er vnter den mitlern stern vber ein grad vnd ein
sechstteil eins grads hinab gewichen vud auff ein halben grad gegen
dem Umbilico Pegasi/Am vierzehenden kam er bey fünf vnd zwöschig
minut vnter den letern stern an der schultern Andromede/ war sunst
fast ein viertel eins grads von im gegen dem Umbilico Pegasi/ bey
drithalben grad vnter dem mitlern stern/ vnd bey acht grad von dem
Umbilico Pegasi. Am fünfzehenden stund der Comet in einer ge-
raden linea so weit vnter dem mitlern stern zwischen den schultern
Andromede als der oberst von dem mitlern stehet. Am sechzehenden
het er sich von dem nechsten ort verrueckt dreisichen minutē in die brey-
te von Mitternacht vnd bey zwey vnd dreissig minuten in die leng.
Am achzehenden war er dupel so weyt von dem vntern stern an der
schultern Andromede/ als der oberst von dem mitlern stehet/ doch
vber die seitten fünf sechstteil eins grads weiter gegen dem Tropico
Canceri/ stund also fast im mittel in einem gleichweiten triangel von
dem letern stern an der schultern/ vnd von dem andern so vnter der
achseln Andromede des Septentrionalischen fisches rucken berüret.
Auff den neunzehenden/ kam er an den Tropicum Canceri
bey anderthalben grad von dem stern am elenbogen Andromede.
Weiter hat ich in mit künnen Obseruiren/ dann wiewol ich bis
auff den 22 Aprilis noch ein geringen glantz von ihme vmb eins gen-
tage schwerlich vormercket/ fundt ichs doch im gesicht/ weil auch die
D 3 stern

stern neben ihm von wegen der nahen Sonnen verblichen) so gewiß
mit haben/ Das ich ein gewisse Observation drauff hette stellen müge
Versihe mich die gelerten haben hiemit anweysung genug des Co-
meten lauff nach zurechnen.

Volgt das sechste Capittel von der Bedeutung des Cometen.

Aus was Wirkung der Comet nach der natur seynen vhrsprung
gehabt/ auch zu welchen Constellationibus er gezogen sey worden/ ist
in vorgehenden zweyen Capitteln genugsam erclert/ Nun ist es an
dem das wir auch seine bedeutung nach art seiner Regenten vnd der
andern stern zu welchen er sich in seinem lauff gewendet hat/ vrteylen
sollen.

Erstlich aber ist es Christlich vnd recht das wir es da für halten/
wie es dann in der warheit ist/ das ob wol dieses vnd alle andere
Zeichen vnd wunderwercken Gottes/ als wie auch die Grosse Finster
nussenn/ Coniunctiones/ vnd alles was in summa sich wunderlicher
vnd vngewöhnlicher weys am Himmel/ in Lüfften/ Wasser/ Feuer/
vnd auf erden zutregt vnd begibt/ nit geschehen sine causis iecuidis &
mediatis/ oder/ wie wirs reden mügen/ nit one ordenliche vñ natürliche
mittel/ die auch zum teyl der natur vnd der vernunft/ vngeweyfelt
durch sonderliche offenbarung des Almechtigen/ vnterworffen sind/
so seyen es doch vnd bleiben auch zu allen zeiten Gottes zeichen vnd
wunderwerck/ darin Er der welt seine wunderbare geschick vñ straffen
fürbilden/ anzeigen/ warnen/ vnd zur bus vnd beferung reysen leisset.
Dafür sol nun ein Jeder Christ dises feurige vnd ganz geschwinde
zeychen/ das Gott in dem vorgangenen fruling inn den lüfften der
ganzten welt für die augen gestellet hatt/ auch halten vnd erkennen/
vnd gantzlich also gleuben/ wie vnser Herr vnd Heiland Ihesus Chri-
stus dauonn Propheceyet/ das wen Zeichen ann sternnen/ an Son-
nen/ vnd Mohn geschehen/ das dieselben seinen Christen die nahe irer
erlösung vñ d' Gottlosen Welt Gottes zorn/ rach vñ straffe anseyge
vnd verkündigen. Ist derhalben aus sonderlichen Gottes Gabenn
Hohen vnd sinreichen Ingenijs auch in der Heydenschafft auß der
erfarung vnd d' Natur würckung offenbaret worden/ das sie etlicher
massen zu erkentnis kommen sind/ was auch solcher Zeichen art vnd
bedeutung

bedeutung sey/ welchs ungesweifelt auß Göttlicher vorsehung also
verordnet vnd geschehenn ist/damit kein Heide/ Jude/ Turcke/ oder
Christ/ wider in/ noch außser Gottes Wort/ keine entschuldi-
gung habenn möge/ als sey mann für Göttlicher Rache vnd
straff nit zuuor genugsam gewarnet worden/ Dann es sindt solche
sichtbare zeychen neben andern/ öffentliche Propheten vnd Prediger
die augenscheinlich der gansen welt anzeigen vnd fürhalten Gottes
zorn vnd straf/ Vnd vns auß Gottes ordnung von dem vbel abma-
nen/ vnd zur bus vrasch geben sollen/ Derhalben ist es auch nit vn-
christlich noch vnrecht/ souil Gott in der natur vnd durch vilfeltige er-
farung/ den alten Weysen vnd Sinnreichen Leuten dauon zuer-
kennen geben hat/Solcher zeychen art vnd bedeutung zuerforschen
vnd anzusehen. Vñ wiewol ichs genzlich dafür halte das dises auch
der zeychen eins sey/ so vor dem jüngsten tag hergehen sollen/ Kann
ich doch zu der vermessenheit nit kommen/ das ich sagen dürffte/ Es
were eben dieses ein solcher stern wie Jener gewesen ist/der den weyß
auß Morgenlandt die zukunfft vnd geburth Vnsers Herrn vnd
Heylandts Ihesu Christi/ vnd die ganze strasse gen Bethlehem ange-
zaiget hat. Dann ich finde ander vmbstende inn Heyliger Göttli-
cher Schrifft vnd in der alten Christlichen Lehrer Buchern vnd
Schriften/ Welchs alles alhie nach der leng außzuführen auff diß-
mal zulang vnd weytleufftig were.

Wil derhalben allein die bedeutung dyses Zeychens/das durch
Gottes vorsehung ordenlicher weyse in der Natur entsprungen vnd
offenbaret ist worden/ auß der Alten Weysen lehre vnd Buchern
vermelden vnd das vbrige/ als die vrsachen vnserer sünden vnd vn-
danckbarkeit wider Gott/ auch das die zukunfft vnser Herren Got-
tes vnd sein straffe vnd Zorn dardurch der Welt fürgebildet worden/
Einem jedern in seinem herten vñ gewissen zubedencke hainstellen.

So wil ich auch vnterlassen die weytleufftige erzehlung der alten ge-
schicht/ welche in gemein bezeugen/ das alwegen nach der erscheinung
der Cometen in der welt grosse verenderung der Regimentt/ grosser
Künig vnd Fürsten zwittracht/ schedliche kriegsentspörung/ grausame
mord vnd prandt/ schreckliche sterben/ schwere teurung/ Grosser heub-
ter vntergang/ gefencknis/ vnd tod/ auch gewaltiger stedte vnd Kün-
nigreich semmerliche zerstörung/ oder schwere gefencknis vnd dinst-
barkeit

Barthey vnter den Tyrannen/zerrüttung guter Pollicey/erbärer ordnung vnd gemeiner recht vnd gerechtigkeit mit rauberey vnd vileren vntugent/ schand/ vnd laster erfolget sindt. Dann ob wol die exempel solcher Historien in gemein anzeygen/ das solche zufell auß der wirkung nach der Cometen erscheinung/ (Wie dan meriglich auß der erfahrung erkennen vnd bekennen muß) pflegen zuentsichen/ So ist es doch nur ein general zeugnis/ darauff noch niemandt schliessen kan wohin es treffen oder langem werdt. Muß derhalben das sonderlich das meyster stück in diser kunst sein/ das wo grosse wunderbare Coniunctiones/finsternis/ Nebensonnen/Cometen/erscheinen/ das man auß waren natürlichen vnd grundtlichen vrsachen wiße anzuzeigen Erstlich was/ wie vnd wen derselben wirkung sein vnd welche sie betreffen werden. Es leren vns aber die Astrologi als Ptolomeus/ Nasli/ Albumasar/ vnd Bugufarus/ das der Cometen sonderliche natur vnd bedeutung zu erkennen sey/ Erstlich auß den vorgehenden/ vnd auch gleich mit den Cometen gegenwertigen finsternissen vnd grossen Coniunctionibus vnd derselben Regenten/ auch dem Herren der zeit darin sie erscheinen/ welches alles ich droben mit gutem grundt derhalben außgefuret hab/ das es vns hieher dienstlich ist/ Findt sich im beschluß/ das Mars vnd Mercurius die Regenten vnd bedeuter sindt vber disen Cometen/ welches ich auß anderen mehr gründtlichen vrsachen bewisen hab/ Darnach leren sie auch die Cometen vnterscheiden auß ihren farben vnd figuren/ zeugen an Mercurius gebt eine müblete Cometen dunkel blöber farbe vnd lange dünne schwantz/ Mars aber dunkel rote farben vnd lange schwantz/ doch nit so lange als Mercurius. Aber die andern Saturnus vnd Jupiter ze. Geben ihren Cometen keine lange schwantz/ Weil wir dan bede gestalt Martis vnd Mercurij an vnserm Cometen mit einander vermischet gesehen habē Das das haubt desselben dunkel oder feuer roth/ der schwantz aber dunkelblow/ mit dunkel roth vngleich vermengt/ vnd ic an einem ort lenger dan am andern gewesen/ Folgt auch darauff das er von der art Martis vnd Mercurij sey/ vnd auch also sol geurteilt werden: Zum dritten ist auch vnterscheid der Cometen nach den zeichen darin sie erscheinen/ vnd nach den gestirn zu welchem sie iren lauff richten vnd wenden/ Hab derhalben/ damit dises auch desto ordenlicher möche außgefuret werden/ In nechst vorgehendem Capittel den ganken lauff

lauf des Cometen durch die Himlischen Zeichen/ vnd Bilder/
souil ich ihn hab vermercken können/ mit fleiß ordentlich beschriben/
daraus zusehen/ ist das diser Comet fürnemlich in der wage bey den
stern die sonderlich von art Mercurij vnd zum teyl auch Martis sinde
vnd darnach vnter dem Wider/ als dem Zeichen darein seine Regent
ten in der grossen versamlug der Planeten in mit grosser gewalt vnd
geschwindigkeit gezogen haben/ am lengsten bliben ist/ In der wage ist
er gewesen bey vierzehn tagen/ darnach hat er fast in vier tagen/
die andere Zeichen bis an den Wider oben bey den Polis durch-
strichen/ vnd ist folgendts bey 36 tagen im Wider erschienen/ leslich von
der Sonnen glanz verblichen/ Ist gangen durch die Junckfrawen/
an des Bootis lincken arm/ des stern bedeckt/ darnach durch den drach
en neben dem kleinen Wagen hinüber geloffen/ durch den Cepheum
an die Cassiopeam kommen/ vnd darnach von der obern oder rechten
hand Andromede an/ bis an ihren lincken ellnbogen viel corporales con-
iunctiones mit derselben sternem gehabt. Zu dem allen/ weil die
grosse versamlung der Plaueten auch im Wider gewesen/ vnd
Mars ober dieselbe herschet/ Ist es wol souil als ein doppelter Comet
vnd besorg genslich weil auch im folgenden Jare/ die drey obersten
Planeten sampt den andern vil gewaltige Configurationes in truck-
nen zeichen/ durch welche solche Cometen dempff generirt vnd gesam-
let werden/ vnter einander haben/ Es werde/ nach der bedeutung dises
Cometen vnd der versamlung der Planeten in dem feurigen Zeichen
Martis/ solcher feurigen Zeichen noch kein ende sein.

Dann es ist nit one grund oben von mir gemelt/ das auß dem/
das der Comet so gering von glanz vnd dieken gewesen/ auch eruolge
das er ein dürrer fewerschlechtiger schwefelicher dampff von art Mar-
tis vnd Mercurij gewesen/ Dan Hali bezeuget clerlich von der natur
der Cometen/ das etliche werden generirt vnd gesamlet aus einem dür-
ren vnd trucknen dampf vnd rauch/ die dem Marti vnd Mercurio zu-
gehören vnd subtile vnd dünne flammen geben/ Etliche aber so auß
feuchten dempffen herkommen/ die geben grössere vnd volkomlicher
fewer vnd gehören zu dem Jupiter vnd Veneri/ Diweil dan aus al-
len vmbstenden nach der lehr der Alten Weysen erscheinet/ das diser
Comet von art Martis vnd Mercurij gewesen ist/ müssen auch seine
bedeutung vnd würckung erstlich nach seiner Regenten art/ darnach
E auch

auch vmb seiner entzündung willen vnd zimlicher verharrung/ nach dem Zeichen der wage/ vnd endlich weil er im Wider zu der grossen Versammlung der Planeten gezogen/ kommen vnd beharret ist/ muß auch der meiste teil seiner bedeutung nach art derselben versammlung vnd ired Zeichens iudicirt werden.

Vnd erstlich von der art seiner Regenten/ schreiben die Lehrer also/ das Mercurius sonderlich vnruhiger art sey/ vil seltsam ding ansah/ mehr dann feinn ander stern/mache auch subtile vnd geschwinde Practicken/ stiftte land vnd strassen reuberey/ plünderung/ gefahr auff dem Meer vnd wassern/ Sonderlich aber wann er mit dem vnglücklichen sternenn gesellschaft oder gemeinschafft in hat der Regierung vnd versammlung/ wie dann in diesem fall alhie geschicht. Was nun diser mit geschwindenn heimlichen subtilenn griffen vnd practicken anngreiffet/ das thut Mars mit öffentlichen gewalt/ krieg vnd entpörung.

Verhalben auch Mercurius wo er inn des Martis herrlichkeit vnd gesellschaft aufgenommen wirdt/ gar wunderliche ding mit demselben stiftet.

Dann sie sindt bede dürre verbrandte vnd geschwinde kinder/ Darumb wo sie bey eynander Regiren/ stiftten sie zank vnd hadder/ Krieg vnd Mordt/ Rauberey vnd Brandt/ erregenn vil grosse/ wunderliche vnd geschwinde ding vnd sachen/ geben vil seltsame wunderbare zufell/ in allen dingenn/ die einen Geist mit geschwindigkeit bewegen mügen böses zuthun.

Wann wir nun disen Cometen nach der art solcher Regenten vrteyln sollen/ so müssen wir je bekennen/ das dieses traurig/ jammerslich vnd elend Feuer der aller bösesten vnd erschrecklichsten Feuer eins sey/ das sich het vnter dem Himmel jemals entzündenn mügen/ vnd das alles das die Astrologi von bösen Cometen se geschriben haben/ sich bey diesem inn der warheit also finden werde.

Darumb habens auch die alten Poeten genēt. *Terris mutantem regna Cometen*, Vnd Ptolomeus sagt wen die stern mit den langen schwenzen erscheinen/ das es eben die rechten sein welche die Welt bewegen vnd vnruhig machen/ In sonderheit sagt er von disen blöbleten vnd rötlichten/ subtilen vnd spizigen gesellen/ das er an dem
ort

ore/ da sein schwanz sich sehen lasse vnd den kopf vntersich schlagel
anzeiget vnd verkündiget Grosser Herr vnd Könige absterben/
schwere krieg/ grosse dürre/ feur/ brunst/ theurung/ Junger vnd
Weyser leuth tod von Babilonien/ Arabien vnd Egipten/ bis in
Niddergang/ In sonderheit aber schreibt er von den/ die sich im
fünften zeychen von der Sonnen enkünden (wie dan diser vnter dem
sechzehenden grad der wage / da die Sonne im achzehenden grad v
Bische gewesen/ sich im fünften zeychen von der Sonnen enkündet
hat) wan dieselben mit ihren vngleichen schwenzen vnd zerstreutem
har erscheinen/ vnd in einem angulo eines Reichs aufsteigen/ das
der König oder sunst ein gewaltiger Herr desselben Reichs vnter der
wage sterben werde/ vnd Bugufarus sagt dartzu weil er im aufgang
erschinen ist/ das sich ein verreter wider den König erheben werde/
Ihn in not vnd iamer zubringen/ vnd das von frembden vnd fernen
landen feinde mit heeres kraft kummen werden/ die dasselbe Reich vñ
seine pollicey mit gewalt vnd Tyranney antasten vnd schwächen/ vñ
dasselbe vnter sich bringen wöllen. Desgleichen sagt auch Ptolome-
us von diesem Cometen weil er zulezt in das eilffte zeychen von der
Sonne kommen vnd darin bliben ist/ das er bedeute den Tod eines
grossen Königs oder Fürsten vnter dem Wider. Von den zweyen
zeychen aber darin der Comet enkündet vnd leslich bliben ist/ schrei-
ben die Astrologi also. Nali sagt der Comet in der wage bedeute of-
fentliche verreterey vnd vnglück des obristen Fürsten vnd Königs von
seinen eygnen vnterthanen/ vnd imwidder bedeute er krieg vnd blut-
vergiessen/ Vnd Proclus Diadochus sagt/ das dises zeychen in den er-
sten zehen gradibus der wage bedeute vergiffung der lufft/ Pestilenz/
Leure/ Hunger/ grausame krankheiten/ hitzige vnd geschwinde fie-
ber/ In den mitlern zehen aber in welchen der Comet enkündet ist be-
deute er eines grossen Königs oder Fürsten tod/ Aufruhr vnter den
menschen/ Krieg/ theurung/ hunger vnd sterbē. Desgleichen im wi-
der (sagt er) bedeut der Comet eihis grossen Königes oder Fürsten
Elend/ gefencknis oder vntergang/ vnter gemeinen vnd gewaltigen
leuten has/ widerwillen/ zwitteracht/ grosse heersarten/ grausame krieg/
vnd niderlaa der menschen/ brunst/ diebstal/ rauberey/ verherung/ ei-
ner grossen Königin vnd Fürstin absterben/ traurigkeit vnter kriegsleu-
ten/ sterben vnter dem vihe/ vnzeitige geburth/ geschwinde hitzige fie-
ber

ber/ sterben von hitze/ miswachs vnd mangel der frucht/ theurung
vnd Hunger. Desgleiche schreibet auch Albumasar im fünften buch
von den grossen coniunctionibus im letzten vnterscheid/ wen ein Co=
met vnter dem wider erscheine/ so bedeute er vil kriege in vilen landen
vnd gross blutuergiessen/ grosse dürre/ augen weh/ vil sterben/ gros=
ser Herren verderben vnd vntergang/ böser dempff vnd lufft erhebung
vil Erz von Goldt vnd Silber/ vbermessig hitz im Sommer/ vñ wo
alsdan die Sonne vnd der Comet in diesem Zeichen im aufgang
seyn bedeute es hasz vñnd widerwillen vnter den vnterthanen des Kün=
nigs zu Babilon. Abenragel setzt deutlich daz/ Es werde der Chri=
sten König sterben vñnd grosse krieg vnd blutuergiessen inn Babilo=
nischen landen entstehen. Vnd von dem Cometen in der Wage sagt
Albumasar an obgemeltem ort/ das er bedeute etlicher König vñnd
Fürsten gegen nidergang absterben/ Desgleichen auch vnter andern
Edlen herren/ verhinderung der kaufmans handel/ blutuergiessen/
wenig regen vil schön wetter/ starcke wind/ abnehmen der wasser/ ge=
ring vnd wenig erdtgewechß vnd fruchte/ theurung der Rosß vnd Ca=
mel/ vnd krieg in der Römer lande/ Abenragel setzt daz/ Es wer=
den die vnterthanen ihrem eygnen König vil böses vnd verreterey be=
weisen. Also haben wir nun auß diesem allen leichtlich zuuermacken/
die bedeutung des Cometen mit seinen Regenten vnd zeichen.

Nun wollen wir auch suchen welche vñ wan sie angehen werden.
Ptolomeus sagt wan solche zeichen erscheinen in *signis æquinoctialibus*
wie diser Comet/ so betreffe es die Geistlichkeit/ Heiligtum/ glauben/
vnd Göttliche empter/ Recht vnd Gerechtigkeit. Desgleichen auch
die grossen Fürsten vnd Herren/ vnd grosse Stedt. So seyn alle
Astrologen in dem einig/ weil der Comet im auffgang erkündet vnd
erschinen ist/ So werde seine wirkung alsbald angehen/ Vnd sage
kurtzlich also nach den zeichen vnd Bildern daz/ der Comet gelof=
fen ist/ Das ein frembder Tyran von Orient/ der sich dann in das
Reich gegen Mitternacht vnd Nidergang gedeneckt einzudringen/ ei=
nen gewaltigen heerzug thun werde wider die lande gegen dem Nider=
gang/ vñnd ein grossen riß machen durch alle land so gegen Mitter=
nacht gelegen sindt/ vnter den ersten sechs zeichen des Zodiaci vnd
wirdt aber plüßlich widerum gesturzt vnd vertilget werden. Son=
derlich aber wirdt solch xnglück die hart treffen/ welche vnter der
Wage

Wage vnd dem Widder wohnen oder geboren sind vnd werden.

Was aber die zeit belangt wirdt dieses Cometens würckung vngeschrlich vber zwelff Jar lang/ souel ich vonn seinem lauff vermercken hab können/sich erstrecken/ vnd erstlich werden die ersten vier Jare seiner würckung der Geistlichkeit vnd Reichsteten in sachen die gemeine Recht vnd gerechtikeit belangende/ Sonderlich denenn vnter der Wage beschwerlich sein/ Auch einen Gewaltigen König oder Fürsten in not vnd villsicht in todt bringen/ vnd ihme seinen arm gegen Occident verkürhen vnd abschneiden/ Vnd dise zeit ver- stehe auch von allen andern zuuor angeziagte bedeutungen vnter der Wage / Die folgende drey Jare werden alles was noch stark vnd böse ist vnter der Junckfrawen/ angreifen vnd verderben/ Vnd im dritten auch die so vnter dem Löwen wohnen/ Alsdann wirdt auch in einem Jare ein ganz geschwinder riß geschehen/ durch die lande Welche vnter dem Löwen/ Krebs/ Zwillinge/ vñ Stier gegen mitter- nacht gelegen sindt/ Im achten Jare sol noch ein einiger Herr vñ villsicht der Tyrann selb in den mitternechtischen Landen vnter/ dem wid gestürzt werden/vñ wird derselb fall auch die Königreich vnter de Widder vnd stier betrüben bis vber das neunde Jar. Nach disem werden drey oder mehr schwere Jar folgen mit betrübniß/ beschwe- rung/ gefencknuß vnd zerstörung der schönen herrlichen land vnd kü- nigreich vnter dem Widder gegen auffgang/ die alsdan ire arm vnd gewalt von sich geben vnd fremder Herrschafft vnterthenig machen werden. Darnach wolle das Ewige liecht allen betrübten zu trost vnd erlösung erscheinen/ alle Tyrannen vnd Plage vertilgen vnd der gemainen trübsal ein seliges Ende machen. Amen.

Beschluß.


Also haben wir kürzlich die bedeutung des Cometens/ wie sich aber die sachen in Römischen vnd mitternechtischen landen/ wie die Astrologi reden/ desgleichen gegen Orient vñ sünst dartzu im werck schon anlassen/ sihet man zum teil für augen/ vnd wirdt solch vnglück schwerer vnd herter werden vnd weit ausbrechen. Was auch die Coniunction im Wider/ welche den Cometen verursacht vñ gezogen hat/dartzu thun werde findet mā in voriger meiner practica vber das 56 Jar/ Im Glenken vnd Sommer wirdt hewr eine hinderung

E 3 dreinn

drein kommen/Aber wir sehen wie die Reich in eynander verwirret
werden/ Niemandt schicket sich zur Buß mit dem wenigsten/ist zu
besorgen es müsse Gottes Zorn vnd straff/die er vns durch die sichti-
ge Zeychen am Himmel zur warnung fürbildet iren fortgang haben.

Gott wolle sich seiner armen Christenheit in solchem Jammer
vnd Trübsal Erbarmen vnd die Genedig trösten/erhalten/retten/
vnd Erlösen/ Amen.


Gedruckt zu Nürnberg/
ben Joachim Heller/ Mit
Kaiserlicher vnd Chur-
fürstlicher zu Sach-
sen Freyheit nit
nachzudru-
cken.



Faint, illegible text at the top of the page, possibly bleed-through from the reverse side.

Erworben in Nürnberg
von Joachim Heller / SS 11
Kaufmann und Buch-
händler in Bam-
berg
1711







ctica/auf DAS M.D.LVII.

mppt Anzeygung vnnnd erclerung/ Was
inung/ vnnnd bewegung/ des vergangenens vnnnd
r angezeygten Cometen Im sechs vnd funffzigsten
r gewesen/ vnd bedeutet habe. Auß warem grundt
der Astronomen von newem Practicirt
vnd gestellet durch.

vachim Heller verordenten Astronomum zu Nürnberg.

Regirende Planeten dises Jars.

Saturnus. Mohn. Sonne.

